



## BISTAZO MAS RIBA "11 DE VAN DE 11 DE"

Ayera tabata Elfde van de Elfde, e dia cu carnaval ta wordo inaugura oficialmente y e aña aki cu un celebracion mas grandi pariba di oficina di SAC. Por mira aki Noord Stars Steelband cu segun hopi ayera, como unico steelband completo di parada mester tin e honor anualmente pa habri parada di carnaval. Por mira Milo Croes observando momento cu su señora Lina a ricibi un plaquette di aprecio, momento tambe cu Milo a ricibi un plaquette special di SAC y algun di e figuranan di carnaval presente y president actual Tecla Kelly dirigiendo su mes na publico.





# SAC A DUNA HOMENAGE NA MILO CROES



Den presencia di directiva di SAC, Prome Ministro Nelson Oduber, Sr. Ramon Lee, y invitadonan SAC ayera a habri temporada di Carnaval 2002 y na mes momento a duna un homenaje na SR. Milo Croes cu for di 1965 a dirigi Carnaval di Aruba te cu el a retira e aña aki. Sorpresa di e mainta tabata ora cu a laga Sr. Milo y su señora Lina Croes, devela un plakaat na muraya paden di oficina di SAC y a resulta cu a dedica e sala di reunion na Sr. Milo Croes. E homenaje tabata tanto pa Milo como pa su señora ayera maint ricibiendo plakaatnan y na mes momento tambe Sr. Gibi v.d.Hanst a haci entre-



ga di bukian di carnaval cu programa di Carnaval, cu ta di 4 aña cu e ta publicando esaki. Reina infantil di carnaval, Chanelle Fortin tambe tabata tin su recuerdo pa tanto prome ministro como ministro di cul-

tura durante e ocasion aki cu for di mainta te atardi tabata hopi bon anima cu musica di Noord Stars Steelband y TIGO. Bunita comienzo di carnaval 2002, pabien SAC.